

9. Álagning og innheimta

Fiskistofa annast álagningu og innheimtu veiðigjalda, skv. lögum um veiðigjöld nr. 74/2012 og gjalds vegna ólögmæts sjávarafla, skv. lögum nr. 37/1992. Hingað til hefur Fiskistofa innheimt fiskræktarsjóðsgjalds en það hefur verið lagt niður.

Veiðigjald

Veiðigjald er lagt á landaðan afla og er það innheimt mánaðarlega fyrir næstliðinn mánuð. Veiðigjald er tiltekin krónutala á hvert kg landaðs afla, mismunandi eftir fisktegundum. Sjá álögð veiðigjöld í töflu 9.1.

9.1 Álagning veiðigjalda (fjárhæðir í milljörðum kr.)

Veiðigjöld	2016/2017	2017/2018
Almennt veiðigjald	5,7	11,5
Afsláttur (gjaldfrjáls veiði)	0,2	0,3
Lækkun skv. bráðabirgðaákvæði	0,9	
Álagt veiðigjald alls	4,6	11,2

9.2 Álagning og innheimta sérstaks gjalds vegna ólögmæts sjávarafla

	2015	2016	2017	2018
Fjöldi mála á árinu	95	65	36	61
Heildarálagning kr.	15.844.682	972.558	21.039.769	38.785.137
Heildarinnheimta kr.	4.983.578	966.331	20.532.981	32.795.489

9.3 Álagning í strandveiðum 2018

Mánuður	Fjöldi álagninga	Heildarupphæð (kr)	Meðal álagning í mánuði (kr)
Maí	238	5.271.852	22.151
Júní	271	6.451.256	23.805
Júlí	312	8.359.131	26.792
Ágúst	268	6.089.156	22.721
	1.089	26.171.395	23.867

Ólögmætur sjávarafla

Fiskistofa leggur á gjald vegna ólögmæts sjávarafla á grundvelli laga nr. 37/1992 og annast innheimtu gjaldsins f.h. Verkefnasjóðs sjávarútvegsins (tafla 9.2). Við almenna álagningu gjaldsins er fiskveiðiárinu skipt í fjögur þriggja mánaða tímabil og hvert tímabil er gert upp sér. Fiskistofa hefur einnig með höndum álagningu gjalds vegna ólögmæts afla strandveiðibáta. Þegar um strandveiðar ræðir er lagt á gjald sem nemur verðmæti þess afla sem er umfram 650 þorskígildiskiló í veiðiferð. Gjaldinu er skipt hlutfallslega eftir tegundum. Álagning fer fram mánaðarlega. Tilkynningar um álagningu vegna strandveiða á árinu 2018 voru alls 1.089 og fækkaði um 76 frá 2017 eða um rúmlega 6,5%. Nam upphæð gjaldsins sem lagt var á 26,2 milljónum kr. sem er hækkan upp á 2,7 miljónir eða tæp 11,8%. Í töflu 9.3 má sjá fjölda báta sem fengu álagningu eftir mánuðum og upphæð þess gjalds sem lagt var á þá.

